



Inatsisartunut ilaasortaq Doris Jakobsen Jensen, Siumut  
inatsisartut@inatsisartut.gl

## **Imaani kabelit illersorneqarnissaat pillugu § 37 naapertorlugu apeqquteqaammut 2024-210-mut akissut**

Asasara Doris J. Jensen

Inatsisartut Suleriaasianni § 37 naapertorlugu imaani kabelit illersorneqarnissaat pillugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissut kingornanniilluni.

### **Apeqqut 1. Qanoq iliornikkut Kalaallit Nunaata nunanut soorlu Kina-tut ittunut, naalagaaffinni isertortumik paasiniaasartutut ilisimaneqartuni, teknologiikkut pituttorsimajunnaarnissaq Naalakkersuisut qulakkeerniarpaat?**

Akissut: Apeqqutitit imaani kabelit isumannaallisarneqarnerannut attuumassutilittut paasivakka.

Nalunaarasuartaatinik Aqutsisut, Naalakkersuisoqarfiga, Digitalinngortitsinermut Aqutsisoqarfigik, Center for Cybersikkerhed kiisalu Tusass peqatigalugit suleqatigiissitaliamik, nalunaarasuartaateqarnermut suliassaqaarfiup qanoq pitsaanerusumik illersorneqarsinnaaneraniq misissuisusaaq, 2024-mi upernaakkut pilersippara. Teknologiiq toqqaaneq, suleqatigiissitaliap suliarisassaasa ilagaat. Suleqatigiissitaliap inassuteqaatai Naalakkersuisunut saqqummiunneqassapput aammalu Sanaartornermut Ataatsimiititaliamut nassiunneqassallutik.

### **Apeqqut 2. Kalaallit Nunaanni immap naqqata pitsaanerusumik illersorneqarnissaa siunertaralugu nakkutilliinermut atatillugu Naalakkersuisut aningaasaliinerunissamik eqqarsaasersuuteqarpat?**

Akissut: Nunanut Allanut Naalakkersuisoqarfimmit ilanngussassanik piniartoqarpoq, taannalu paasissutissiivoq:

"Kalaallit Nunaanni attaveqaasersuutit pisariaqartinneqarlutik pingaarutilit illersorneqarnissaannik pisariaqartitsineq Naalakkersuisut nalinginnaasumik ukkatarat. Pisinnaasani suliassaqaarfimmi pisunik iliuuseqarfiginninnaanerup annertusitinnissaanut iluaqutaasinnaasuni ingerlaavartumik suliniutissaat aammalu aningaasaliinermut periarfissat Naalakkersuisut isumaliutersuutigaat. Tamatumani oqartussat suliqaartullu attuumassuteqartut suleqatigineqarput."

31-10-2024  
Suliap nr.: 2024 - 18078  
ID. nr.: 94752066

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqquut 3. Serlersaarinnissamik siunertaqarsinnaasut pinaveersaartinnissaat anguniarlugu umiarsuit AIS atorlugu nassitsissutiminnik qaminngatitsillutik ingerlaartartunut sakkortunerusumik kinguneqartitsisarnissamik atuutsitsilernissamik Naalakkersuisut pilersaaruteqarpat?**

Akissut: AIS atorlugu nassitsissutinut piumasaqaatit imarsiornermut suliassaqaarfiup, naalagaaffiup susassaqaarfigisaata, ataaniipput.

Umiarsuarnut AIS atorlugu nassitsissutitik qaminngatillugit ingerlaartunut pineqaatissiinissamut periarfissanik sukannererusunik atuutsitsilernissaq pillugu Naalakkersuisut Søfartsstyrelsen maannamut qinnuigisimangilaat.

Siunnersuutigineqartutut pineqaatissiinissamut periarfissanik sukannererusunik atuutsitsilertoqarsinnaanersoq, Naalakkersuisut ilisimangilaat.

**Apeqquut 4. Immap naqqani kabel-inik serlersaarisqaartillugu, ajornannginnerusumik akisussaatisinnaanissaq siunertarlugu, nunat tamalaat akornanni maleruagassat nukittorsarnissaannut Naalakkersuisut suliniuteqassamaarpat?**

Akissut: Suliniutissanut immap iluaniittunut kabelinut tunngatillugu isumannaallisaanermik annertusititsisussanut Naalakkersuisut tapersersuipput. Kalaallit Nunaata immap iluaniittunut kabelinut isumannaallisaaneq immikkut soqutigisaraa, tassami nunanut allanut sanilliulluta kabelit ikittuaraannaat pinngitsoorsinnaannginnatsigu. Suliassaqaarfimmi imaatigut angalanermut immallu iluaniittunut kabelinut maleruagassiiviusartumi ineriartorneq Naalakkersuisut malinnaaffigaat. Tassunga ilanngullugu nunatsinni attaveqaasersuutit pisariaqartinneqarlutik pingaaruteqartut qulakkeernissaannut allanik suliniuteqartoqarsinnaanersoq aamma malinnaaffigineqarpoq.

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga



Hans Peter Poulsen